

## ***José Manuel Rodríguez: Estar aquí é a maneira de diferenciarnos nun mundo tan global***

O centro do viño de Ribeira Sacra acollía este venres a entrega de premios da última edición do **Mondial des Vins Extremes**. Acudiron representantes das adegas galardoadas, membros do C.R.D.O.R.S. e unha representación dos municipios da Denominación cuxas adegas recibían premio, Sober, Pantón, Chantada, A Pobra do Brollón e Monforte de Lemos.

O presidente do C.R.D.O.R.S., **José Manuel Rodríguez**, repasaba a traxectoria da D.O. Ribeira Sacra neste certame e esperaba seguir recuperando progresivamente a normalidade, *“Que sigamos participando nestas catas é unha das cousas que nos diferencia doutras zonas vitícolas. Hai que lembrar a Suso Conde e Suso Verao que hai case 30 anos foron a recoller os premios a Aosta. Estar aquí é a maneira de que nos diferenciemos nun mundo tan global. Despois destes dous anos parece que isto escampa e que imos poder recuperar todas esas citas que nos xuntan”*.

A D.O. Ribeira Sacra presentaba este ano **53 mostras, 44 de tintos e 9 de brancos**, pertencentes a 27 adegas e obtivo **21 medallas, 14 de ouro e 7 de prata**.

### **MEDALLAS DE OURO:**

- **Castro das Saiñas 2019** de Adega Saiñas C.B. (Pantón)
- **Sabatelivs 2020** de Adegas e Viñedos Lareu S.L. (Chantada)
- **Acivro 2020** de Adegas Salvadur S.L. (A Pobra do Brollón)
- **Almanova 2019** de Alma das Donas S.L. (Pantón)
- **Prómine Singular 2020** de Bodegas Petrón S.L. (Sober)
- **Rectoral de Amandi 2020** de Bodegas Rectoral de Amandi S.A.U. (Sober)
- **Condado de Sequeiras 2017** de Grupo Peago S.L. (Chantada)
- **Condado de Sequeiras 2019** de Grupo Peago S.L. (Chantada)
- **Estrela 2020** de D'Fran S.C. (Sober)
- **Don Bernardino 2020** de Don Bernardino S.L. (Sober)
- **Vacamulo 2017** de Don Bernardino S.L. (Sober)
- **Finca Cuarta por Rubén Moure 2020** de Rubén Moure Fernández (Sober)
- **Ciudáseis 2019** de M<sup>a</sup> Gloria Alvarín Losada (Monforte de Lemos)
- **Regina Expresión 2017** de Regina Viarum S.L. (Sober)

### MEDALLAS DE PRATA:

- **Matilda Nieves 2020** de Bodegas Rectoral de Amandi S.A.U (Sober)
- **Don Bernardino 2020** de Don Bernardino S.L. (Sober)
- **Don Bernardino Finca Mezquita 2016** de Don Bernardino S.L. (Sober)
- **Décima 2020** de José Manuel Rodríguez González (Sober)
- **Ciudáseis 2020** de M<sup>a</sup> Gloria Alvarín Losada (Monforte de Lemos)
- **Val da Lenda 2020** de Víctor Manuel Rodríguez González (Sober)
- **Viña Frieira 2020** de Carlos Fernández Rodríguez (Sober)

O **Mondial deas Vins Extrêmes**, que organiza o **CERVIM** é o concurso enolóxico máis importante, reservado aos viños producidos en rexións de montaña ou procedentes de cultivos extremos: altitude superior a 500 metros, pendente do terreo superior ao 30% (en zonas da D.O. Ribeira Sacra chégase ao 80%) ou sistemas vitícolas de cultivo en terrazas. A D.O. Ribeira Sacra é un dos máximos expoñentes mundiais deste tipo de viticultura que hoxe se coñece como viticultura heroica.

O **CERVIM** busca valorizar a produción enolóxica desas terras que se caracterizan polas dificultades estruturais, pero tamén por viños singulares que teñen unha personalidade extraordinaria. O seu obxectivo é salientar as características únicas destes viños e dar a coñecer aos consumidores os aspectos culturais da viticultura de montaña e o valioso traballo que os viticultores fan para a posta en valor do territorio.